

Universitätsbibliothek Paderborn

**Theodōritu Episkopu Kyru Kai Eyagriu Scholastiku
Ekklēsiastikē Istorya, Eklogai Apo Tōn Istoryōn
Philostorgiu Kai Theodōru**

Theodoreetus <Cyrrhensis>

Mogvntiae, 1679

XVI. Quomodo divinus Ignatius ab urbe Roma deportatus, Antiochiae depositus sit ab Imperatore Theodosio.

urn:nbn:de:hbz:466:1-14162

ab eo conscriptæ , tum oratio quam dixit eidem Imperatori Theodosio , tum quicunque ejus libri admodum utiles circumferuntur.

Αός, τεωρεῖς αὐτὸν θεοδόσιον περιφεύκης
λόγῳ Θ., καμία σύστα τῶν ἀκμένων χειροποίησι
ώνων.

CAP. XVI.

Quomodo divinus Ignatius ab urbe Roma deportatus, Antiochiae depositus sit.

Eodem tempore, ut Joannes Rhetor cum aliis pluribus scriptum reliquit, divinus Ignatius, qui sicut optaverat, ferarum ventres in amphitheatro urbis Romæ pro tumulo habuit: cùm robustiora ejus ossa, quæ superfucrant, Antiochiam deportata & in cœmeterio collocata fuissent, multis post annis translatus est: Cum Deus Opt. Max. Theodosio id suggestisset, ut Deiferum Martyrem majori honore afficeret, utq; templum iam pridem dæmoniis consecratum, quod incole Tycheum nominabant, fortissimo victori ac Martyri dedicaret. Itaque quod olim fuerat delubrum Genii publici, factum est templum & sacra aedes beati Ignatii, cum sacræ ejus reliquie ingenti pompa' curru in urbem invectæ & in templo depositæ essent. Quam ob causam publica festivitas quotannis ad nostra usque tempora communi totius populi lætitia celebratur, quam Gregorius ejusdem loci Episcopus, longe adhuc magnificentiore reddidit. Hæc idcirco illic facta sunt, quod Deus Sanctorum reliquias jam ex hinc honore afficiat. Nam Julianus quidem sceleratus ille ac Deo invisus Tyranus, cum Daphnaeus Apollo, qui Castalium fontem pro voce atque oraculo habebat, consulenti Imperatori respondere non posset, eo quod sanctissimus Babyla de proximo os ei penitus obturaret: invititus & quasi verbere adactus, Martyrem transferendo honoraverat: quando & maximum ei templum juxta urbem extrellum est, qvōd etiamnum manet: eo consilio, ut dæmones deinceps libere sua ipsorum peragerent, quemadmodum Juliano, ut ajunt, polliciti fuerant. Hæc scilicet Servator noster Deus hume in modum dispensavit, ut corum, qui martyrio perfuncti erant, vis ac potentia declararetur, & sancti Martyris reliquie in sanctum transferrentur locum, ac pulcherrimo delubro honorarentur.